

雲水三集序

雲水三集三丰先生再游劍南之作也雍正間先生來此提撕
夢九觀察嘗往還於高標凌雲觀察去而先生隱矣邇來圓陽
老人卓菴居士及遯園蟠山諸楚客志在山林性耽泉石隱士
生而先生又至矣青城大我之間或遇老樵子水石逍遙或遇
老漁夫溪山吟嘯緇衣黃冠種種變化久之而乃知其中有先
生在此亦我曹之幸也先生法相不輕示人卽示人人亦不識
清詞妙語惟事筆談不言吉凶禍福不語黃白丹砂其所常談
者忠孝仁慈謙和清淨而已間或放爲詩歌響遏雲水飛吟旣
久墨記日多爰梓而存之使人知神仙之樂只如是已又何異
焉

道藏輯要

三丰全集

雲水三集序

三

續畢集九
川八二